

漢天師世家卷之七

四十七代大真人張玄慶

成化十三年

召見

命中使梁芳傳

旨聘成國公朱儀之女為配明年

命親赴南京畢姻仍

賜蟒衣玉帶加撥馬快船送回山

授大真人誥

奉

道藏輯要

漢天師世家

辛

翼集七

天承運

皇帝制曰朕惟玄教聿興惟陰翊於化理宗風丕闡在精練以勤誠繼嗣續之有人宜褒顯之無吝爾張玄慶乃神明之胄福地高門警敏可嘉靜虛是尚茲當襲爾祖蔭特命為正一嗣教保和養素繼祖守道大真人領道教事爾其益懋進修率修道範毋墮立守永祝國釐則惟爾能欽哉

制誥

成化十三年十二月二十一日

之寶

封母吳氏玄君誥

奉

天承運

皇帝制曰朕惟至道無名而修其道者教斯尊嗣世有源而厚
其有源者恩必及玄門衍慶孫紹祖封國恩榮頌母因子貴
爾吳氏乃正一嗣教保和養素繼祖守道大真人張玄慶之
母柔慈夙秉和惠可稱訓子克成宜膺寵命茲特封爲志順
淑靜玄君服此茂恩永光闡範欽哉

制誥

成化十三年十二月二十一日

之寶

道藏輯要

漢天師世家

至

翼集七

二十年

申禁偽造符籙勅

皇帝勅諭軍民諸色人等

朕惟廣信府貴溪縣龍虎山乃張真人世居掌教之所自其
祖流傳符籙以授於人洪武年間曾有令禁約不許偽造惑
民取財永樂年間有令買魚於本山河內放養長生不許諸
人網釣邇來豪勢刁潑之徒往往偽造符籙偷盜魚鮮違朝
廷禁令今嗣教真人張玄慶以爲言特降勅禁約今後一應
軍民諸色人等敢有恃頑刁潑偽造偷盜者聽所在官司拏
問如官司不能鈐束者一體治罪不饒故諭